



**ЎЗБЕКИСТОН РЕСПУБЛИКАСИ ДАВЛАТ СОЛИҚ ҚҮМИТАСИННИГ
ҚАРОРИ**

**Ундирилиши умидсиз деб эътироф этилган солик қарзини ҳисобдан чиқариш
тартиби тўғрисидаги низомни тасдиқлаш ҳақида**

Ўзбекистон Республикаси Солик кодексининг 96-моддасига асосан Давлат солик қўмитаси қарор қиласди:

1. Ундирилиши умидсиз деб эътироф этилган солик қарзини ҳисобдан чиқариш тартиби тўғрисидаги низом иловага мувофиқ тасдиқлансин.
2. Мазкур қарор 2020 йил 1 сентябрдан кучга киради.

Давлат солик қўмитаси раиси

Ш. Кудбиев



Тошкент ш.,
2020 йил “1” июн,
2020 - dd -сон

Ўзбекистон Республикаси
Давлат солиқ қўмитасининг
2020 йил 1 июнданги
2020-22-сон қарорига
ИЛОВА

**Ундирилиши умидсиз деб эътироф этилган солиқ қарзини
ҳисобдан чиқариш тартиби тўғрисидаги
НИЗОМ**

Мазкур Низом Ўзбекистон Республикасининг Солиқ кодекси (бундан буён матнда Солиқ кодекси деб юритилади), Фуқаролик кодекси ва “Банкротлик тўғрисида”ги Конунига мувофиқ ундирилиши умидсиз деб эътироф этилган солиқ қарзини ҳисобдан чиқариш тартибини белгилайди.

1-боб. Умумий қоидалар

1. Мазкур Низом талаблари бюджет ташкилотлари, давлат корхоналари ва нотижорат ташкилотларига нисбатан татбиқ этилмайди.

2. Солиқ қарзи солиқ органи томонидан қабул қилинган қарорга асосан ундирилиши умидсиз деб эътироф этилади ва ҳисобдан чиқарилади.

Ундирилиши умидсиз деб эътироф этилган солиқ қарзининг ҳисоби уларни ҳисобдан чиқариш тўғрисида қарор қабул қилган солиқ органи томонидан юритилади.

3. Субсидиар тартибда кўрилган чоралар натижасида солиқ қарзи ҳисобдан чиқарилгандан кейин ундирилган солиқ қарзи айнан ҳисобдан чиқарилган солиқ қарзи учун ҳисобга олинади.

2-боб. Ундирилиши умидсиз деб эътироф этиладиган солиқ қарзи

4. Солиқ қарзи қўйидаги ҳолларда ундирилиши умидсиз деб эътироф этилади:

юридик шахс тугатилганда – юридик шахснинг мол-мулки етарли эмаслиги ва (ёки) шу юридик шахснинг муассислари (иштирокчилари) томонидан қонун ҳужжатларида белгиланган миқдорда ва тартибда унинг солиқ қарзини узиш имкони бўлмаганлиги сабабли унинг Солиқ кодексининг 91-моддасида назарда тутилган тартибда узилмай қолганда;

якка тартибдаги тадбиркор банкрот деб эътироф этилганда – қарздорнинг мол-мулки етарли эмаслиги сабабли солиқ қарзи (унинг қисми) узилмай қолганда;

жисмоний шахс вафот этганда ёки жисмоний шахс вафот этган деб эълон қилинганда – унинг мол-мулки етарли эмаслиги сабабли, шу жумладан мерос давлат мулкига ўтган тақдирда, унинг солиқ қарзи Солиқ кодексининг 94-моддасида назарда тутилган тартибда узилмай қолганда;

вафот этган жисмоний шахснинг меросхўри бўлмаганда ёки меросхўр (меросхўрлар) мерос олиш ҳуқуқидан воз кечганда;



солиқ органи солиқ қарзини ундиришнинг белгиланган муддати ўтиши муносабати билан уни ундириш имкониятини йўқотганлиги тўғрисида суд томонидан қарор қабул қилинганда, шу жумладан суд томонидан солиқ қарзини ундириш тўғрисида ариза беришнинг ўтказиб юборилган муддатини тиклашни рад этиш ҳақида ажрим чиқарилганда;

чет эл юридик шахс солиқ органидан ҳисобдан чиқарилганда, доимий муассасасанинг мол-мулки етарли эмаслиги ва Ўзбекистон Республикасининг норезиденти бўлган юридик шахс томонидан тўлаш имконсизлиги сабабли солиқ қарзи тўланмаганда.

Мазкур банднинг еттинчи хатбоисига асосан солиқ қарзи ундирилиши умидсиз деб эътироф этилганидан сўнг чет эллик юридик шахслар солиқ органида қайтадан ҳисобга кўйилганда ёки фаолияти тикланганда солиқ қарзи ҳам қайта тикланади.

5. Куйидагилар солиқ қарзини ундирилиши умидсиз деб эътироф этиш ва уни ҳисобдан чиқариш тўғрисида қарор қабул қилиш ваколатига эга:

мазкур Низомнинг 4-банди иккинчи – бешинчи хатбошиларида назарда тутилган ҳолатларда, юридик шахс жойлашган ҳудуддаги ёки жисмоний шахснинг яшаш жойи бўйича солиқ органи;

мазкур Низомнинг 4-банди олтинчи ва еттинчи хатбошиларида назарда тутилган ҳолатларда солиқ тўловчи ёки солиқ агенти ҳисобда турган жойдаги солиқ органи.

6. Солиқ тўловчи жойлашган жойдаги солиқ органининг солиқ қарзини ундирилиши умидсиз деб эътироф этиш ва уни ҳисобдан чиқариш тўғрисида қарори солиқ тўловчининг бошқа ҳудудларда солиқ мажбурияти юзага келган солиқ органлари ёки йирик солиқ тўловчилари бўйича ҳудудлараро давлат солиқ инспекцияси (агар қарздор йирик солиқ тўловчи бўлса) томонидан ижро этилиши шарт.

7. Солиқ қарзини ундирилиши умидсиз деб эътироф этиш ва уни ҳисобдан чиқариш тўғрисида қарор юкори турувчи солиқ органи томонидан нотўғри ҳисобланган солиқ қарзи аниқланган тақдирда бекор қилиниши мумкин.

3-боб. Солиқ қарзини ундирилиши умидсиз деб эътироф этиш ва уни ҳисобдан чиқариш тўғрисидаги қарорни қабул қилиш

8. Солиқ қарзини ундирилиши умидсиз деб эътироф этиш ва уни ҳисобдан чиқариш тўғрисидаги қарор ушбу Низомнинг 9-бандида келтирилган ҳужжатлар тақдим этилган кундан бошлаб уч иш кунидан кечиктирмай мазкур Низомнинг иловасига мувофиқ шаклда солиқ органи раҳбари (ўринбосари) томонидан қабул қилинади.

9. Куйидаги ҳужжатлар солиқ қарзини ундирилиши умидсиз деб эътироф этиш ва уни ҳисобдан чиқариш учун асос бўлади:

карздор юридик шахс, чет эл юридик шахслар ёки якка тартибдаги тадбиркорнинг банкротлик таомилларига кўра тугатишга доир иш юритуви тамомланганлиги тўғрисидаги суд ажрими асосида солиқ тўловчини ягона давлат реестридан чиқарилганлиги тўғрисида Давлат хизматлари марказининг маълумотномаси;

чет эл юридик шахсни солиқ органидан ҳисобдан чиқарилганлигини тасдиқловчи маълумотнома ва тўланмаган солиқ қарзи бўйича мол-мулк етарли эмаслиги муносабати билан Ўзбекистон Республикасининг “Суд ҳужжатлари ва бошқа органлар ҳужжатларини ижро этиш тўғрисида”ги Қонунига асосан давлат ижросининг кўрилган чоралар натижасиз бўлганлиги ва солиқ қарзини ундириш имконсизлиги ҳақидаги қарори;

ЛИКА

VLA
ATI
AZI

*19

қарздор жисмоний шахснинг вафот этганлиги тўғрисида гувохнома ёки вафот этган деб эълон қилинганлиги тўғрисидаги суд ажрими, меросхўрларнинг меросдан воз кечганлиги ёки меросхўрларнинг йўқлиги сабабли, меросни эгасиз деб топиш тўғрисида суд қарори;

солик органи солик қарзини ундиришнинг белгиланган муддати ўтиши муносабати билан уни ундириш имкониятини йўқотганлиги ёки солик қарзини ундириш тўғрисида ариза беришнинг ўтказиб юборилган муддатини тиклашни рад этганлиги тўғрисида суд қарори.

10. Жисмоний шахснинг вафот этганлиги ҳақида маълумотлар солик органи томонидан Ўзбекистон Республикаси Адлия вазирилиги хузуридаги Давлат хизматлари агентлиги билан келишилган ҳолда маҳсус электрон ҳужжат алмашиш тизими орқали ёки солик органининг сўрови асосида Давлат хизматлари марказидан олинади.

Вафот этган жисмоний шахс яшаш жойидаги солик органи ушбу шахснинг меросхўри (меросхўрлари) тўғрисида ахборот олинган пайтдан эътиборан бир ой ичida уни (уларни) солик қарзи мавжудлиги тўғрисида хабардор қиласади.

4-боб. Ундирилиши умидсиз деб эътироф этилган солик қарзини ҳисобдан чиқариш ва ҳисобдан чиқарилган солик қарзларининг ҳисобини юритиш

11. Солик қарзини ундирилиши умидсиз деб эътироф этиш ва уни ҳисобдан чиқариш тўғрисидаги қарор қабул қилинган санадан кейинги иш кунидан кечиктирмай солик органи солик тўловчининг шахсий карточасига тегишли ёзув киритади.

Бунда, ушбу ёзувни шахсий карточага киритиш алоҳида модул орқали амалга оширилади ҳамда солик қарзини ҳисобдан чиқариш тўғрисида солик органи қарорисиз солик тўловчининг шахсий карточасига ёзув киритилиши тақиқланади.

12. Ундирилиши умидсиз деб эътироф этилган солик қарзини ҳисобдан чиқаришда ортиқча тўлов юзага келишига йўл қўйилмайди.

Жисмоний шахснинг умидсиз деб топилган ёки ундируви меросхўр(лар)га қаратилган солик қарзига ҳисобланган пеня ва жарималар суммаси ундирилиши умидсиз деб эътироф этилади ва ҳисобдан чиқарилади.

13. Ҳисобдан чиқарилган ундирилиши умидсиз деб эътироф этилган солик қарзи ҳисоби солик органи томонидан маҳсус электрон дастури орқали олиб борилади ва асос бўлган ҳужжатлар ушбу дастурга электрон кўринишида сақлаб (бириктириб) қўйилади.

14. Ҳисобдан чиқарилган ундирилиши умидсиз солик қарзи бўйича ҳужжатлар солик органининг қарори қабул қилинган санадан бошлаб беш йил давомида солик қарзини ҳисобдан чиқарган солик органида алоҳида иш жилдида сақланади.

15. Солик органи томонидан Ўзбекистон Республикаси Молия вазирлигига ҳамда Халқ депутатлари туман (шахар) Кенгашларига ҳисобдан чиқарилган ундирилиши умидсиз солик қарзлари тўғрисидаги маълумотлар ҳар ой якуни билан кейинги ойнинг 5 санасига қадар киритиб борилади.

5-боб. Якуний қоида

16. Мазкур Низом талабларининг бузилишида айбдор бўлган шахслар қонун ҳужжатларида белгиланган тартибда жавобгарликка тортиладилар.

SI A
Г DAN
DI
LIZEL

Умидсиз деб эътироф этилган
солик қарзини ҳисобдан чиқариш
тартиби тўғрисидаги низомга
ИЛОВА

**Ундирилиши умидсиз деб эътироф этилган солик қарзини
ҳисобдан чиқариш тўғрисида
ҚАРОР**

20 ____ йил “ ____ ” _____ -сон _____ шаҳар (туман)

2020 йил _____ ойининг _____ куни _____ шаҳар (туман) давлат солик инспекцияси бошлиғи (ўринбосари) _____ солик тўловчи _____ (СТИР _____) нинг ундирилиши умидсиз деб эътироф этилган солик қарзини ҳисобдан чиқариш тўғрисида хужжатларни кўриб чиқиб қўйидагиларни

АНИКЛАДИ:

_____ (хужжат тақдим этган ваколатли орган номи) томонидан тақдим этилган _____ (20 ____ йил “ ____ ” _____ даги XX-сон _____ хужжат номи) хужжатлар ўрганиб чиқилганда, солик тўловчи _____ (СТИР _____) нинг ундирилиши умидсиз деб эътироф этилган ____ сўм ____ тийин солик қарзини ҳисобдан чиқариш учун асослар мавжудлиги ҳамда қонун хужжатлари талабларига тўлиқ жавоб бериши маълум бўлди.

Ўзбекистон Республикаси Солик кодексининг 96-моддасига асосан

ҚАРОР ҚИЛАДИ:

1. _____ (юридик шахснинг номи, СТИР, жисмоний шахснинг фамилияси, исми, отасининг исми, СТИР)нинг (СТИР _____) ундирилиши умидсиз деб эътироф этилган ____ сўм ____ тийин солик қарзи ҳисобдан чиқарилсин.

2. _____ бўлими (Ф.И.О.) З иш куни ичida ҳисобдан чиқарилган ундирилиши умидсиз солик қарзи солик тўловчининг шахсий карточкасида белгиланган тартибда акс эттирилсин.

3. Солик қарзини ҳисобдан чиқаришда ортиқча тўлов юзага келишига йўл қўйилмасин.

4. Мазкур қарор ва унга илова қилинган хужжатлар алоҳида очилган иш жилдида беш йил давомида сақланиши таъминлансин.

давлат солик инспекцияси
бошлиғи (ўринбосари)

М. Ў.

(Ф.И.О.)

